

## МОРДОВСКИЙ ЛИТЕРАТУРАТЪ РАЗВИТИЯНЦ ИНКСА

Майть 17-20-це шинзон пингста Саранск ошса ули йотафтф мордовский писателень конференция, ко-нац тии итокт писателень органи-зациять работанцты и пути сонъ инголенза конкретнай задачат Мор-довский литературатъ сяда товод-донъ развитиянц коряс.

Великай Октябрьский социалис-тический революцияда меле мор-довский народт шачсь и кармась касома сонцень национальный со-циалистический культурац и лите-ратурац, сонцень искусствац.

Мордовский народсь эсь устной моронзон, сказонзон эса кайгиста, гордайт моразевсь павазу и ра-достнай эряфонц колга, народонъ вождь Сталин ялгать колга.

Сказительница Фекла Игнать-евна Беззубоват моронзон и ска-зонзон содасыне сембе странась. Правительствась сонъ казезе выс-шай наградаса—Трудовой Якстерь знамянь орденца.

Нурьхкия пингста народт эзда лиссть кемотть писатель и поэт, кода Безбородов, Кириллов, Коло-масов, Чумаков, Вечканов, Радин, Карасев, Куторкин, Родькин, Ко-номавин, Иркаев, Пятаев ялгатне и лиятне. Синь произведениясна на-родт йоткса пользовандайт оцю популярностьса, сувасть народт бытзонза.

Петр Кириллов, поэтический произведенийа башка, сьормадсь мьеса „Литова“, Коломасов—„Про-копыч“, Мордовский литератураса-тя ащи од явлениякс, драматурги-яти ушетксокс. Куторкин поэтсь сьормадсь исторический оцю поэ-ма „Ламзурь“, кося няфневи те-рюшевский восстаниясь.

Мекольдень пингт Мордгизсь молдась Чумаков, Карасев, Родь-кин ялгатненъ прозаический про-изведениянь сборниксон, Вечка-нов, Прончатов ялгатненъ—стих-сон. Башка эрви азомс Чума-ковт фельетонзон и сказканзон колга. Авторсь синь эсост мок-шенъ литературати сувафтсь од юмористический оброст. Павел Петровичень, Коцор-Моцортъ, Бу-тылкиновъ, Пизофтома кукуфненъ лемсна арасть нарицательнай лемкс.

Но видеста можна азомс, што Мордовский литературатъ разви-тиясонза, МАССР-нь Писателень

Союзн работасонза улихть оцю аф сатыкст. Правлениясь кржа за-нимандакшнесь писательхненди творчествасост лезксонь максоматъ мархта, писателень организациясь пишенди эсь соксонза, аф сатом-шка сотф читателень массатненъ мархта. Писательхненъ и классик-ненъ юбилейсонды посвященный вечерда башка атак йотафтт фкя-вок литературнай вечер. Кальдяв-ста организовадаф райоттненъ эзга од писательхненди лезкссь, а мокшенъ писательхненъ мархта пцтай кодамовок работа атак йо-тафтт. Эрви видеста азомс, што правлениясь вообще кржа шарфни мяльда мокшенъ литературатъ раз-витиянц шири. Тянди результа-токс ащи ся, што писателень сою-зонъ 19 члент йоткса аныцек 3 мокшенъ писательхт. 1940 кизоня Мордгизть планонц коряс арьсеф нолдамс 13 эрзянь писателень сборник, (43 авторский лист), а мокшенъ писателень сборникта—7 конатненъ об'емсна 22 авторский лист.

Правлениясь пях кржа тись уст-най народнай творчестватъ разви-тиянц коряс. Кой-кодама работа йотафневи аныцек Ф. И. Беззубова сказительница мархта, а мок-шенъ сказительницатне юктафт, синь мархтост кивок аф интере-совандакшни. Минь содатама аф кржа мокшенъ талантливый им-провизаторхт, коди Якушкина, Четыркина М. А. (Инсарский район, Адашева веле), Савкина Е. А. (Рыбкина) Фадеева Е. Г. (Пурдо-шанский район, М. Пашад веле) Дурушева Ф. (Ельниковский район Канф Куша веле) и лият. Сембе синь можнат таргамс активнай творческий работати и тянь мар-хта козякофтомс мокшенъ фольк-лорть.

Сембе ня аф сатыксненъ колга конференцияса эрви корхтамс ке-моста. Писателень Союзн правле-ниянц составс кочкамс достойнай работоспособнай ломатть, конат маштохть тюрема Мордовский литературатъ сяда товодонъ раз-витиянц инкса, большевикокс ор-ганизовандалезь творческий рабо-тасон писательхненъ и поэттненъ, конат оцю роль кирдихть трудя-щайхненъ коммунистический вос-питаниясост.

## ВКП(б)-нь ЦК-са

Московский и Ленинградский партийнай организациятненъ ходатайствасон коряс, тяддень тундаты поздна саманц и ви-демасть ламос таргавоманц лангс ванозь, ВКП(б)-нь Централь-най Комитетсь постановил, сяс, штоба аф сязендемс партра-ботникненъ видемасть эзда—йотафтомс Всесоюзной партийнай XVIII конференциять аф тя кизонь июньцта, а кизотъ пес-тонза.

### ЛЕКЦИЯ

Майть 7-це шистонза Zubovo-Polyanskiy райпарткабинетса ульсь йотафтф лекция тяфтама темас: „Большевиконь партиясь индуст-риализациять инкса тюреманы пе-риодста“. Лекциять лувозе ВКП(б)-нь обкомт лектороц Вол-чков ялгась.

Лекциять аделамда меле слуша-тельхна лекторти макссест лама

кизефкст, конатненъ каршес Волч-ков ялгась макссест точнай и яс-най ответт.

Слушательхне, конатненъ эзда ульсь пашксе зал, илядсть пях до-вольнайста тя лекциять мархта и азозь мяльсон, штоба сяда сиде-няста тиендемс лекциять.

И. Паршин.

Zubovo-Polyanskiy район.



СССР-нь Верховнай Советть Президиумонц указонц коряс Советский Союзонь Геройхненди—1-це рангонь командармат С. К. Тимошенко и 1-це рангонь коман-дармат Г. И. Кулики присвоеннай Советский Союзонь Маршалонь звания, Со-ветский Союзонь Маршалс С. К. Тимошенко назначендаф СССР-нь Оборонань Народнай Комиссаркс.

СНИМКАСА: Советский Союзонь Маршалс, СССР-нь Оборонань Народнай Комиссарс С. К. Тимошенко ялгась (кяржи ширеса) и Советский Союзонь Мар-шалс Г. И. Кулик ялгась.

Фотосъ Ф. Киселевть (ТАСС-ть фото-клишец)

## Исяк панжевсь Всесоюзной сельхозвыставкас

Исяк панжевсь Всесоюзной сель-хозвыставкас—сельский хозяйст-ваньконь замечательнай победан-зон смотрсна.

1940 кизоня выставкас ламода кассь йотай кизотъ коряс кода участник, а станя жа участникненъ сатфксон коряс. Мордовияста тя кизоня кармай улема выставкас 1577 участник, конатненъ эзда 1036 участниксь полеволдствать и механизациять коряс, 495 участ-ник животноводствать коряс, 6 мельникт и 40 юннат.

71 велень хозяйствань передов-вик Всесоюзной сельхозвыставкаты главнай комитетотъ казсь оцю и йомла золотой и оцю йомла се-ребреннай медальса.

Выставкаса участникненъ эзда аф кржа участникта од ломаттненъ эзда, конат эсь добросовестнай работасон мархта сатсть замеча-тельный сатфкст. Тяфта, кепотьк-сонди, Кочкуровский райононъ „Якстерь заря“ колхозть звенье-

водкац-комсомолкас Лида Зуба-ревась. 1938 кизоня 3,5 гектар ла-нкта получась эрь гектарста 12,1 центнер каньф, а 1939 кизоня 4 гектарста получась 14 центнер южный каньф.

Замечательнай успехт сатсь эсь работасонза Пушкинский МТС-нь комбайнерсь Александр Иванович Горинць. 1939-це кизоня 30 шиста сон урядась 1042 гектар и ванфтсь 2140 кг. бензин. Аф кальдявста работай Лямбирский райононъ Мо-лотовть лемса колхозонь ОТФ-нь заведующайсь М. В. Вильянов ял-гась, конац 1937—38—39 кизотненъ эзда касфтсь 100 участка 184 яро-ския и эрь учать эзда нарафтсь 3,07 кг. пона.

Нят примерхне аф единичнайхть, синь эздодот сядот и тьожатть, конат арсихть яркай выражениякс социалистический велень хозяйст-ваньконь победанзон эрь шинь ка-сомасон колга.

Кремнев.

## РСФСР-нь Верховнай Советть Президиумонц Указоц

### РСФСР-нь Верховнай Советть Колмоце Сессиянц тердеманц колга

Тердемс Российский Советский Федеративнай Социалистичес-кий Республикаты Верховнай Советонц Колмоце Сессиянц тя ки-зонь майть 28-це шистонза Москву ошса.

РСФСР-нь Верховнай Советть Президиумонц председателец А. БАДАЕВ.

РСФСР-нь Верховнай Советть Президиумонц секретаренц обязанностензон исполняюжайсна П. БАХМУРОВ.

Моску ош, 1940 кизонь майть 13-це шистонза.

### „Сахалиннефть“ трестонь работникненъ каземасна

СССР-нь Верховнай Советть пре-зидиумонц(майть 14 ш.40 к)указонц коряс Севернай Сахалинт осво-бождениянь шистонза сявомок 15 кизонь топодеманц и тоса советс-кий властть тиemanц ознаменова-ниянц инкса, нефтяннотъ промыш-ленность развитияса успехонкса

казьфт „Сахалиннефть“ трестонь работникт.

Ленинонь орденца казьфт 3 ло-матть, Трудовой Якстерь знамянь орденца—8, „Знак почета“ орден-ца—25 и „За трудовое отличие медальса“—13 ломань.

(ТАСС).



**ПРИМЕРНАЙ КОМСОМОЛЕЦ**

Атюрьевский район. Иван Андреевич Кабаев ялгась йотай кизоть сась Якстерь Армияста и эстакиге сувась комсомолу. Комсомолса васенце шитнень пингстакиге сон няфтезе эсь прянци, кода цебярь производственник и цебярь организатор. Сембе нят качествензон инкса сонь комсомолецне эсь собраниясост кочказь первичнай организацияти секретарькс.

Тяка пингть Вавясь пашкотькшни колхозса ответственной и почетнай работат. Сон и яровизатор и качественник, клубса заведующай и лавочнай комиссийса член. Сембе нят корхтайхть сянь колга, што Кабаев ялгась населенить йоткса пользовандай оцю авторитетса. Яровизациянь тевса сон няфтезе эсь прянци, кода цебярь специалист и толковай хозяйственник.

Илять Иван Андреевич Кабаевсь фалу эряй клубса. Мзярда тят моль, сонь перьфканза пуромфт колхозникт, конатненди сон лувонды газетат или журналхт.

Хоть аф оцю сонь опытоц комсомольский работаса, но Вавяти работань опыт максси сонь эряфсь и од ломаттнень эрь шиня касы запроссна. Первичнай комсомольский организациясь Кабаевть оцю работанц и заботанц вельде лувондови районца цебярь организациятнень лувксса.

Эсь работанц и поведениянц мархта Кабаев ялгась ащи примеркс Атюрьевский райононь сембе комсомолецненди.

П. Паркин.

### **ВЛКСМ-нь Ковылкинский райкомсь сигналхнень ширес аф кули**

Сире Дракань „Цятка“ колхозса комсомольский организациясь эса секретарькс работай Черентаев ялгась, конач эсь работанцты относится пяк калдывста. Сон нилеще ковсь ни ашезь пуропне комсомольский собрания, аф ваномок комсомолецнень требованияснон лангс. Первичнай организациясь мекольден пингть йофси лоткась касомда. Тя лиссь ся, мес од ломаттнень йоткса политико-воспитательнай работа аф йотафнихть; да нингеся, мес комсомолу примамать колга уликс заявлениатненге 4-5 ков аф вандсазь.

Черентаевть сембе тя бездельностенц колга ульсть кунаркиге ни пачфтьфт сигналхт ВЛКСМ-нь Ковылкинский райкомти, но сон мес-бди нят сигналхнень ширес аф кули. Мес тя тяфта? Учитама ответ ВЛКСМ-нь Ковылкинский райкомть ширде.

П.-ов.

Ковылкинский район.

### **ШКОЛАСЬ ИСПЫТАНИЯТНЕНДИ**

Од Выселка велень средняя школань ученикне и преподавательский коллективсь 1939—1940 тонаф нема кизоть программанц сембе дисциплинатнень коряс аделаь 100 процентс.

Тяни лама преподавательхть, кода Кулясов, Макулов, Тараскин и лиятне ушедсть йотаф материалть повторяндама. Тяда башка преподавательхне ученикненди тиенди хть дополнительной занятия и консультации.

Эрь преподавательсь эсь дисциплинанц коряс аноклаь нисатомшка билетт, конатнень коряс ученикне кармайхть кирдема испытаният.

К. Дергачев.

Зубово-Полянский район.

# **Комсомольский ЭРЯФСЬ**

## **Валса аерткшнихть тевснон эзда**

Лама корхтась Од Выселкань средняя школань комсомольский организациясь школаса дисциплинать и успеваемость колга. Тя ульсь снярда, мзярда синь обсуждали ВЛКСМ-нь ЦК-ть X пленумонц решениязон. Корхтасть сембе, а йотафнемс эряфс ня решениятнень синь юктазь. Нльне кой-кона комсомолецне нинге синь тячимс ашесть тий урок пленумть решениязон эзда, а мекланкт, эсь калдыв поведенияснон и тонафнемаснон мархта разлагают кой-кона иля ялгатнень. Вов, комсомолецне Парватов Федор, ульцяса прянци ватьсы аф тактичнайста:

тюри, сюци и ст. тов; Келаськин Иван урокста сидеста ворьготькшни; Беляев Иван тяфтажа аф цебярьста ватьсы эсь прянци, а тонафни калдывста. Сембе тяфтама фактнень вакса йотни комсомольский комитетсь. Сон вльне эсь заседаниясонза ашезе путне кизефксть нят комсомолецнень поведенияснон колга.

Кизефневи, ламосли нинге комсомольский комитетсь кармай мирендакшнема тяфтама фактнень мархта?

Пионер.

Зубово-Полянский район.

## **ВАЧКОДЕМС КИЗОНЬ НАСТРОЕНИЯТНЕНЬ ЛАНГА**

Идейно-политический уровень кеподемась маслозаводонь кой-кона комсомолецненди арась жизненной потребностекс. Нинге аньцек лиссь светс „ВКП(б)-ть историянц Краткай курсоц“ синь эстакиге оцю мяльса ушедсть сонь тонафнемонза. 17 комсомолецт эзда организацияса 7 тяни тонафни ВКП(б)-ть историянц эса первоисточниконь коряс. Комсомолецне Кокин и Соколова ялгатне ВКП(б)-ть историянц тонафнемста келиста использовандайхть консультационнай статьятнень, консультациинень и лекциятнень. Синь аф ноляйхть ошса йотафневи фкявок лекция и консультация.

Сят комсомолецненди, конат не могут самостоятельна тонафнемс

ВКП(б)-ть историянц, сятненди пуроптф кружок. Но сави азомс, што организациясь улихть комсомолецт, конат нинге тячимс аф шарфнихть сатомшка мяль большевизмать мархта овладенияти. Аньцек тянь мархта можна азомс, што нят ялгатне тянемс „Краткай курсть“ колмоце главадонза ичкози ашесть ту. Особенно тяни ламотнень марьяи кизонь настрояниясна, лотксихть эсь идейно-политический уровеньон кеподеманц лангса работам. Комсомольский комитеттненди эряви кемоста вачкодемс тяфтама настрояниятнень ланга и прокс машфтомс пропагандистский работаса сезонность.

В. Симанин.

Саранск ош.

## **Клеветниксь паньф комсомолста**

Ковылкинский райононь Сире Дракинень средняя школань первичнай комсомольский организациясь эсь собраниясонза ваноze тевоноц 9-це классонь ученицат, ингольден комсомолкать Платошкинать.

Платошкинась нарушандакшнезе ВЛКСМ-нь программать и уставть, марандакшнезе Ленинский комсомолть званиянц. Улемок комсомолса, Платошкинась тиендсь аф

комсомольский поступкат. Сон занимаандакшнесь клеветаса честнай учительхнень и комсомолецнень лангс. Учителхнень и комсомолецнень лемс кучсекшнесь клеветнический, анонимнай съормат, конат ульсть съорматфт грубай гразяма мархта.

Комсомольский собраниясь примась решения и Платошкинать панезе комсомолста.

Я. П.



Нарьян-мар ошса окружной национальной политпросветшколась аноклай краснай чмтненди, библиотекатненди изба-читальнятненди работникт. СНИМКАСА: Политпросвет школань тонафнихне-комсомолкатне П. Хатанзейскаясь (кержи ширеста) и У. Седейскаясь рузонь кялень занятиясот. Фотось В. Шаровскаяйть (ТАСС-ть фото-клишец).

## **Комсомолецне цебярь ударникт и общественникт**

Аф кунара Самодуровка велеса организовадаф комсомольский организация. Сонь членонза колхозникнень йоткса сатсть ни оцю авторитет. Комсомолонь 8 членть эзда 6 работайхть колхознай производстваса. Трудть эса честнай отношенияснон мархта синь няфнихть, образецт сембе колхозникненди. Но комсомолецне аф аньцек ударникт паксяса, синь тяфтажа йотафнихть оцю работа велеса аф грамотность машфтоманц коряс. Комсомолецне И. С. Карпунин, Т. И. Поляков тя кизонь майть васенце шинцты тонафтсть грамотас 27 аф грамотнай ава.

Эряви азомс, што комсомолецнень од вийсна нинге кода эряви аф организовадакшневи и аф использовандакшневи. Тянь сюнеда нинге лама иляткшни апак тийхть. Вов, например, колхозса нинге тянимс регулярна аф новляви стенной газета, видеать пингста колхозникненди газетат аф лувондовихть, а вдь тя комсомолецнень тевсь. Но синь секретарьсна Поляков ялгась тянь шири мяль аф шарфни, а тянь вастс кой-коста занимаандакшни стама тевса, конач мезевок общай аф кирди коммунистический моральть мархта.

Поляков ялгати тяфтама аф саткисне эрявихть лувомс и сядатоволдонь работасонза синь аф новлямс.

И. Карпунин.

Ковылкинский район.

## **Кемокстамс комсомолецнень дисциплинаснон**

ВЛКСМ-ть уставоц веши эрь комсомолецт ширде кеме дисциплина и аккуратнай отношения порученнай тевти. Вов тянь нинге Маманя велень комсомолецне ашезь шарьхкодть. Тянь сюнеда новляйхть ВЛКСМ-нь уставти грубай нарушеният. Тяфта кепотьксонди, лама комсомолецт, кода Кочкоров Григорийсь, и илятне 5—7 ковоны аф паннихть членский взноснон.

Первичнай организациять секретарец Неякин ялгась сатомшка работа комсомолецнень и аф союзнай од ломаттнень йоткса аф вяти. Сят комсомолецнень колга, конат ламонь ков аф паннесазь членский взноснон, собранияса кизефксть аф путнесазь. Да и собраниятка тя организацияса эрийхть пяк шуроста.

ВЛКСМ-нь Рыбкинский райкомти эряви шарфтомс сядат оцю мяль комсомолецнень дисциплинаснон лангс.

П. Волков.

Рыбкинский район.

## **АФ пашкотькшнесазь эсь обязанностьснон**

Атюрьевский Райсоветонь комсомольский организацияса лама комсомолецта, кода Степанов Морозов, Субботина М., Кукуров В., и лият членский взносна апак пантт кафта-колма ковонокса. Улихть комсомолецт, конат аф заботендайхть эсь личной тевснон колга. Степанов М. работай районнай здравотделса, Шишулина М. А. работай РОНО-са и лама лият, конат колма-ниле ковонокса ашесть валга учетста эсь ингольден работама вастетсот. Тянь сюнеда синь косовок аф вятихть общественной работа.



## ШКОЛЬНОЙ ЭРЯФСЬ

### Отличникне лездыхть

Майть 20-це шистонза сембе школатнень эзга ушедыхть переводнай испытаниятне. Тя шить эса учихть сембе тонафникне и путнесазь сембе вийснон, штоба испытаниятнень пингста получамс аныцек цебарь и отличнай результатт. Саранский райононь 31-це № Луховский аф полной средний школань ученикне, штоба сатомс тяфтама показателхть тонафнема кизоть 4-це четвертец ушетк-сста, сывсть эсь лангзост обязательстват. Эсь обязательстваснон оцю честь мархта пашкотыкшнесазь Конакова Вера, Горенова Катя, Егоров Василий и лама лият. Нат отличник-ученикне тиендихть лама работа эсь классост 100 процентнай успеваемость инкса тюремаса. Синь максихть лезкс калдявста тонафникнеди.

Тяда башка, майть 1-це шистонза сывомок, тяса расписанияс коря эрь шиня ушедсть йотафнема консультацият, коса тонафникне получакшнихть ответт сят аф шарьхкодеви кизефксень лангс, конатнень синь мушендсазь испытаниятнеди анокламста йотаф материалста.

Конституцияса и историяса консультациятне ушедсть нинге 4-це четверть ушеткссста. Штоба сяда лацкас улель шарьхкотыф йотаф материалс историкс Кабаевс консультацияса лувонды художественной литература.

А. Мезякаев.

Саранский район.

### КРУЖОКНЕНЬ ЭСА

Саранск ошень 9 № средний школаса организовандафт лама кружокт, кода физкультурнай, драматический, ВС-нь, ПВХО-нь, ЮВС-нь и ГСО-нь.

Драматический и хоровой кружоконь четтнень йоткста 40 ломань якай Пионеронь куду, коса организовандасть мокшень моронь ансамбль.

Школаса лама ученик максозь обороннай значокс норматнень. 30 ученик максозь норматнень Ворошиловский стрелоконь значокти, 75 ученик—ПВХО-нь значокти. Солидарностень празникть—Майнь васене шить честьс школась аноклась ПВХО-нь 30 значкист, ВС-нь—12 значкист и ЮВС-нь 10 значкист.

Лама ученик каннихть колмонь значок. 8-це классонь ученикс, комсомольский организациять секретарец Старкин ялгась максо-зень ПВХО-нь, ВС-нь и ГСО-нь значокти норматнень.

Бикеев.

### УЧЕНИКНЕ КЕЛЬГСАЗЬ ЭСЬ УЧИТЕЛЬСНОН

Каньгуш велень средний школань 8-це классонь класснай руководительс Н. В. Лобурева ялгась честна и добросовестна относится эсь тевонцты. Тянкас сон пользовандай уваженияса и оцю авторитетса ученикнень йоткса.

Лобурева ялгать классоц сувась социалистический соревнованияс, ученикне кемокстасть эсь йотковаст соцдоговорхт, штоба переводнай испытаниятнень максомс аныцек цебарь и отличнай оценка мархта.

Егор Кидямкин.

Вильниковский район.



СНИМКАСА: Ковылкинский железнодорожный 43 № средний школаса юнна-тонь группась. Кержи ширеста види шири: Эля Трайдук, Валя Ивлиева, Паршаков, Тоня Мамонтова и Вера Пелина ялгатне.

### Кода аноклайхть переводнай

#### испытаниятнеди

Майть 20-це шистонза ушедыхть переводнай испытаниятне сембе аф полной средний и средний школатнень эзга. Ся шитнеди аноклайхть сембе ученикне и ученицатне.

Саранск ошень 9 № мокшень средний школаса образцовайста аноклайхть переводнай испытаниятнеди. Лама учитель и учительница анокласть кизефкс мархта билетт, диктантт, конат максфт школань дирекцияти; ушедсть тонафнема кизоньберьф йотаф материалть повторяндамонза.

Майть 5-це шистонза школань дирекциясь аноклась расписания, конац повфтаф стенати. Ученикне знакомондакшихть расписаниять мархта. 6—7-це класснень эса математика предметть коряс преподавательс-отличница Емяшевась, нинге апрельть 15-це шистонза сывомок, ушедсь повторяндамонза йотаф материалть. Ударницась, рузонь кялень преподавательс, Талышкина ялгась, апрельть 20-це шистонза сывомок повторяет йотаф материалть ученикнень мархта.

Штоба максомс испытаниятнень отличнай и цебарь оценка мархта, ученикне эсь йотковаст кемокстасть социалистический соревнованиянь договорхт. 7-це классонь ученикне и ученицатне кемокстасть класснай соцдоговор и тердезь социалистический соревнованияс 8-це классь.

Котоце классонь ученицатне-отличница Захаровась и Мурзакаевась тонафнема кизоть пингста сембе предметтнень коряс тонафнесть аныцек отличнайста. Тяни синь упорнайста аноклайхть переводнай испытаниятнеди. 7-це классонь ученикне Макаров и Рузайкина ялгатне отличнайста тонафнемоц башка вятсть общественной оцю работа. Макаров ялгать, кода отличниконь, ученикне кочказь ученический комитетти председателхс, коса сон честь мархта оправдандакшнесь синь доверияснон.

Колмоце четверть пингста 6-це

мокшень классь (класснай руководительс А. П. Емяшевась) сатсь 100 процентнай успеваемость, тяфта жа сатсь 100 процентнай успеваемость 3-це четверть пингста. мокшень омбоце классь.

Но аф сембе классне аноклайхть переводнай испытаниятнень, достойнайста йотафтомаснон инкса. 8-це классь (класснай руководительс Казанцева ялгась) тонафнема кизонь сембе четвертнень пингста лувондовсь сембода иляды классокс. Колмоце четверть пингста тя класса успеваемость ульсь 53,4 процент. Инкинць, Нуянзинць, Картаевсь, Родионовсь тонафнема кизоть йотамс сембе предметтнень коряс тонафнесть калдявста. Улихть случайхть, мзярда ученикне причинафтома новляихть шит, а кой-коста тушендыхть занятияста. Майть 10-це шистонза 8-це классонь ученикне, комсомолецне Еремкинць, Резайкинць, Радионовсь, Картаевсь Альшинць, Слугинць, Ягодинць, Николаевсь киндинге ашеть аз причинать колга и тусть куду, конань сюнеда кафта урок ульсь сязьф. Тянь колга школать дирекцияц макссь тейст эрявикс взыскания. Тя классонь ученикне Инкин, Нуянзин и Радионовсь йоффикс аф аноклайхть испытаниятнеди. Класснай руководительс Казанцева ялгась ламоксть якась ученикнень квартиразост, беседовандакшнесь синь родительснон мархта, Инкинть и Нуянзинть родительсна отказасть синь воспитанияснон эзда, сяс месинць, ученикне, аф кулхондсазь родительснон и школаса учительхнень.

Школань дирекцияти и комсомольский организацияти марса педколлективть мархта эряви сатомс, штоба 8 классь лихтемс фталда ингольдень ряттнеди, цебарьгофтомс дисциплинарь, лездомс ученикнеди лацкас тонадомс йотаф материалть и анокста васфьтемс испытаниятнень.

ф. Б-в.

Саранск ом.

### ИСПЫТАНИЯТНЕНЬ ВАСЬФТЬСАЗЬ АНОКСТА

Торбеева. Малаткшнихть сят шитне, мзярда эрь ученикс, учительс кизонь работаснон колга кармаихть кирдема достойнай экзамен минь партияньконь и советский народть инголе.

Переводнай и выпускной испытаниятнень цебарьста васфьтемасна и достойнайста йотафтомасна школань эрь руководительс ширде вешихть башка инициатива и забота.

Райононь аф кржа школаса тя оцю важностень тевти анокласть аф калдявста. Например, Салазгорь велень средний школась (директорс Сяткин ялгась) учебнай программась сембе дисциплинатнень коряс аделазе 100 процентс. Апрельть мекольдень шинзон эзда сывомок, сембе класснень эзга йотаф материалть коряс мольфтевихть повтореният, конат эрь ученикти пяк лездыхть сонь знаниязон кемокстамаснонды.

Школань преподавательский коллективс оцю вийса тюри учебнай кизоть второгодникфтома аделаманц колга. Тянкас школаса отстающей ученикнеди йотафневихть дополнительной занятият, тиендевихть консультацият. Физматовь, русский и родной кялень и историянь преподавательхне кажнайсь эсь дисциплинанц коряс сьормадсть ни вопросикт, конатнень коряс ученикне кармаихть кирдема испытаният.

Школань дирекциясь сембе преподавательхнень и класснай руководителхнень ознакомил испытаниятнень йотафтомаснон колга РСФСР-нь Наркомпрость инструкция мархта. Тяда башка эрь класснай руководительс эсь классонза йотафтсь класснай собрания, конань эса ученикне пяк подробнайста ознакомились переводнай и выпускной испытаниятнень йотафтомань порядкаснон мархта.

Класснай собраниятнень эса ученикне и преподавательхне эсь инголест путозь задакакс—испытаниятнень максомс аныцек цебарь и отличнай оценка. Дм. Родин.



СНИМКАСА: Хабаровский 5-це № средний школань 9-це классонь комсомолкась-ученица Николайко Динась Хасан эрьхть районца бойхнень пингста красноармеецнеди санитарнай лезксонь максоманкса казф «Участник Хасанских боев» значокса.

Фотось Г. Ложкинть. (Фото-клишесь ТАСС-ть).



## Видемась мольфтеви ударнайста

Салазгорь велень „Ленинонь кич“ колхозонь колхозникне, кяр-модемок тундань работатненди, эсь инголест путсть почетнай задача—йотафтомс видемать инь нюрхкян пингста и аныцек отличнай качества.

Видихне, плугархне, инзайхне, максань сембе рабочайхне эсь инголест путф задачать достойнайста пашкодеманд инкса тюрхить большевикокс. Синь эздост аф кржась сокамаса, инзамаса и видемаса шинь норматнен пашкоткшнесазь вельф.

Майть васень вете шинзон колхозникне азонкшнесь ударнайкс, конань пингста сембоц сокаф 313 гектар, инзаф 296 гектар и видеф разнай культурань сьорода 226 гектар. Сембе работась йотафть цебарь качества.

Мекольдень шитнен эзда колхозникне тундань работатнен эсаяфнихть нинге сядонга оцю производственной энтузиазма.

Дм. Родин.

Торбеевань район.

## Ладямс противопожарнай охранать работанц

Пяк кальдявста работай ОдВыселка велень противопожарнай охранась. Велеса улихть лама лада трубат, конань лангс противопожарнай охранань работникне аф шарфнихть кодамовок мяль, синь вестьке ашесть корхта тянь колга кудазорхнен мархта.

Тяда башка кальдявста аноклаф противопожарнай инвентарсь. Боцькятненди, насосненди, багор-

хненди и лия инвентарти эряви ремонт, но ремонтировандамс велень советсь аф максси кодамовок средстват. Противопожарнай отделения эрвяхть 2 ломатть и 4 алашат, конат тячимс апакемокстакт тоза постоянной работас.

О. В.

З.-Полянский район.

## МЕЗЕНКСА ПАНЦАЗЬ ЯРМАКНЕНЬ?

Ковылкина. Сире Драка велеса ули изба-читальня. Сонь об'еомс сяшка, ко за сразу тьяги пале веля. Но мзярда йорат сувамс тоза, васедят алашань прашка замок мархта, кона няфти види шири, бта азы: „йотак вакска, изба-читальня потмоса кивок аш. Избачть Мальтисовть

пряц сярди, исяк лишнай симовсь“.

Нюрхкянйа эзомс, Мальтисовсь изба-читальня кодамовок рибота аф йотафни. Аныцек получавдакшни ярмакт.

Кизефневи мезенкса жа тяфтама бездельникти панцазь ярмакнень?

Я. По-в.

## Аш культурно-массовой работа

Од Пшенъ велень „Маяк революции“ колхоза пях кальдявста ладяф агитмассовой работась. Колхозть ули аф кальдяв изба-читальня, но сон избачть Седовть бездеятельностенц сюнеда аф работай. Изба-читальня ащи антисанитарнай состоянияс. Стенатне вельхтяфт пульса, киякссь вестьке аф шивии. Изба-читальня вестьке аф няят фкявок газета, журнал, аш фкявок музы-

кальной инструмент, мезенкса изба-читальня кивок афи сувси.

Тя важнейшай работай эзда ащи ширеса и школань учительский составське и комсомольский организацияське. Колхозникнен йоткса аф йотафневихть читкат и беседат международнай положениать колга.

А. Обманкин.

Ковылкинский район.

## Мес аф работай ОСО-нь организациясь?

Алякс велень „Революция“ колхозонь первичнай осовиахимский организациясь (председателец Челмакин Ф. М.) эсь членовзон йоткса аф вяти кодамовок работа. 1939 кизоть песта сявомок и мянь тачийнь шити самс организациясь ашесь прима фкявок од член эсь рядозонзэ.

Тяда башка четтнен паледа ламосна механически выбыли организацияста, пеля кизонь апапантт члевский взносна. Синь йотксост аф вятеви кодамовок воспитательнай работа, четтнен йоткста фкянге аш обороннай значокоц.

Тянь лангс колхознай комсомольский организациясь изь шарфне кодамовок мяль, организациять председателец Челмакин вестьке ашесь тиенде отчет комсомольский организациять и комсомолецнен инголе эсь работанц колга.

И. Чепин.


Кадошкинский район.



Тактический занятия Закавказский Военной округонь Н.-ский частьса.

СНИМКАСА: Коннай нарядонь командирсь, комсомолець Бондаренко ялгась (кучкаса) эсь подразделениань боецонзон мархта разведкаса.

Фотось Д. Черновть. (ТАСС-ть фото-клишец).



Голландский Индиять колга кизефксь лангс империалисттнен „зрениянь точкасна“  
Рисункась Г. Валькть.

## Западной фронта положениясь

Германский армиять верховнай командованиянц сообщенианц коряс, Голландияса германский войскактненди удалась келепнемс эсь операцияснон. Германский войскактненди дополнительнай вийсна югста ульсть прважафт Центральнай Голландиять укрепленнай линиянц районозонза, конанц лемоц „Голландский крепость“. Германский войскактне, имафтомок неприятельский вийхнен Дортрехтат маласа, тяни пачкодсть Роттердаму. Тяфта жа сывф Розендалсь.

Бельгияса германский войскактне йотасть Тюрихаут каналть. Льеж ошсь ащи германецнен кидьса. Льеж—Намер линиять эзда юг ширеса германский передовой частьне пачкодсть Маас лаяти.

Сообщениять эса азонкшневи, што пцтай сембе пункттнен эса германский войскактне пачкодсть франко-бельгийский, франко-люксембургский граници и лама пункта сонь йотазь. Наземнай вийхнен поддержкадот башка, германский авиациясь майть 13-це шистонза тись лама налетт неприятельский аэродропнен лангс. Майть 13-це шистонза неприятельский авиациять марстонь имафсонза ашихть пцтай 150 самолетста. Германский самолеттнен эзда

эсь базазост ашесть мрда 27 самолет.

Английский сообщениатнен коряс, бойхне молихть ся фронта, конац моли пцтай 400 километрань кувалмос. Германский бронетанковой колоннатне,—пачфни Рейтер агентствась,—бойса шашнихть инголи.

Брюссельста сообщениатнен коряс, Бельгияса германский и французский механизированнай частьтнен йоткса молихть оцю бойхть, конань эса кафцке ширетнен эзда примосихть участия пцтай 2 тьожатть танка. Воздухса англо-французский и германский самолеттнен йоткса апаке лотсек йотнихть бойхть. Рейтер агентствать даннайзон коряс, Голландия, Бельгия германский войскактнен сувамдот меле, германский авиациясь имафтсь 400 лама самолет. Седанть маласа,—пачфни тьяка жа агентствась,—германский частьне васедсть французский передовой отрядтнен мархта. Тиевсь вишке бой. Германский частьне действовали штурмовой самолеттнен и артиллериять лезксонц вельде.

Бельгийский официальной сообщенияс корхтати, што майть 13-це шистонза шиньберф бельгийский войскактне участвовандь рукопашнай схваткатнен эса. (ТАСС).

## Германский парашютнай десаттнен каршес Англияса мероприятияне

Пелемок Англияв возможнай германский парашютнай десаттнен эзда, английский властне примасть предупредительнай кели мероприятия, конат распространяются странать, кода прибрежнай, тяфта и внутренний районзондыге.

Сембе полицейский участкатне снабдидондафт лама оружияса и боеприпасса. Полициянь команднай составть эзда ламоц вооруженнайхть полуавтоматический револьверса. Кой-кона ошнен эса полициянь сембе нисшай команднай составсь, нльнясят, конат аф ашихть служба, кирдихть эсь видесост винтовкат и патротт. Чрезвычайнай обстоятельствоань случайнди мобилизовандафт войскань и полициянь крупнай вийхть.

Организовандаф лама тьожатть подвижной военной отрядт, конат тревогань васенце жа сигналь коряс улихть прважафт легкой и грузовой автомашинаса угрожающей вастти винтовка, пулемет и граната мархта. Англиять сембе районзонды прважафт легкой танкт.

Лама районга, коса расположенайхть аэродропне и кинь основной магистральхне, тифт баррикалат и путфть вооруженнай постт. Лондонца тьожатть полицейский офицерхт получасть парашютисттнен каршес тюремаса од инструкция.

(ТАСС).

Ответ. редакторть заместителец И. ЧУДАЙКИН.